

程



漢詩紀卷之九

北海馮惟訥編

無名氏

諺語

楚人諺

漢書曰季布為任俠有名楚人諺曰

得黃金百不如得季布諾

逐彈丸

西京雜記曰韓嫣好彈以金為丸一日所失者十餘長安為之語曰一一京師兒童每聞嫣出



彈輒隨之望丸  
所落便拾取焉

苦饑寒逐彈丸

紫宮諺

漢書曰李延年善歌能為新聲  
與女弟俱幸武帝時人語曰

一雌復一雌雙飛入紫宮

路温舒引諺

初孝武之世張湯趙禹之屬條定法令  
禁網寢密宣帝時廷尉史路温舒上書

畫地為獄議不入刻木為吏期不對

崔寔引里語

政論曰每郡為所欲禁絕雖重懲罰  
詈極筆猶復廢捨終無峻意故里語曰

州郡記如霹靂得詔書但掛壁

東家棗

漢書曰王吉少時居長安其東家有棗樹垂吉  
庭中吉婦取以啖吉吉知而去婦東家聞欲伐  
其樹鄰里止之因請吉還婦為之語曰一一吉  
字子陽琅琊皋虞人昭帝時為博士諫大夫

東家棗樹王陽婦去東家棗完去婦復還

鄒魯諺

漢書曰韋賢少子玄成復以明  
經歷位至丞相故鄒魯諺曰

遺子黃金滿贏不如一經



諸葛豐

漢書曰諸葛豐元帝擢為司隸校尉刺舉無所避京師詔曰

間何開逢諸葛

三王

漢書曰成帝時王吉子駿為京兆尹試以政事先是京兆有趙廣漢張敞王尊王章王鳳皆有能名故京師稱曰

前有趙張後有三王

五鹿

漢書曰少府五鹿充宗貴幸為梁丘易元帝好之欲考其異同令與諸易家論充宗辨口諸儒

莫能抗有薦朱雲者召入攝齊登堂抗首而請音動左右故諸儒為之語曰

五鹿嶽嶽朱雲折其角

谷樓

漢書曰樓護字君卿精辯論議常依名節聽之者皆踈與谷永俱為五侯上客長安號曰一一言其見信用也

谷子雲筆札樓君卿喉舌

張文

漢書曰成帝為太子及即位以張禹論語為師以上難數對以問經為論語章句獻之諸儒為之語曰一一由是學者多從張氏餘家寔微



不欲為論念張文

楊伯起

東觀漢紀曰楊震少學受歐陽尚書於大常  
桓郁經明博覽無不窮究諸儒為之語曰

關西孔子楊伯起

憤如屋

蔡邕獨斷曰古憤無巾王  
莽頭禿乃始施巾故語曰

莽頭禿憤如屋

投閣

漢書曰王莽篡位後復上符命者莽盡誅之時  
楊雄校書天祿閣使者欲收雄雄恐乃從閣自

投幾死京  
為之語曰

惟寂惟莫自投干閣爰清爰靜無作符命

杜陵蔣翁

稽康高士傳蔣翊字元卿杜陵人為亮州刺史  
王莽為宰衡翊奏事到灞上稱病不進歸杜陵  
荆棘塞門舍中三選  
終身不出時人諺曰

楚國二龔不如杜陵蔣翁

竈下養

東觀漢紀曰更始在  
長安中為之語曰

竈下養中郎將爛羊胃騎都尉爛羊頭關內侯



南陽諺

後漢書曰南陽太守杜詩政治清平百姓便之  
又修治陂池廣招土田郡內北室殿足時人以  
方召信臣南陽為之語曰

前有召父後有杜母

戴侍中

謝承後漢書曰戴憑徵博士詔公卿大會羣臣  
皆就席憑獨立世祖問其意對曰博士說經皆  
不如臣而坐居臣上是以不得就席帝令與諸  
儒難說帝善之後正旦朝賀令群臣說經更相  
難結義有不通輒奪其席以益通者  
憑遂重坐五十餘席故京師語曰

解經不窮戴侍中

一曰說不窮戴侍中

井大春

嵇康高士傳曰井丹字大春扶風  
郿人博學高論京師為之語曰

五經紛綸井大春

劉太常

華嶠後漢書曰劉愷為太常論  
議常引正大義謂儒為之語曰

難經伉伉劉太常

楊子行

續漢書曰楊政字子  
行少好學京師語曰

說經鏗鏗楊子行



許叔重

續漢書曰許慎字叔重性淳篤少博學  
經籍馬融常推敬之時人為之語曰

五經無雙許叔重

馮仲文

三輔決錄曰馮豹字仲文後母適  
之甚酷豹事之愈謹時人為之語

道德彬彬馮仲文

江夏黃童

後漢黃香字文彊江夏人博  
學經典究精道術京師號曰

天下無雙江夏黃童

白眉

襄陽耆舊傳曰蜀馬良字季常宜城人也兄弟  
五人並有才名鄉里為之諺良眉中有白毛故  
以稱之

馬氏五常白眉最良

魯國孔氏

孔叢子曰子和二子長曰長彥次曰季彥甘貧  
味道研精覽典十餘年間會徒數百故時人為  
之語曰

魯國孔氏好讀經兄弟講誦皆可聽學士來者有聲名不  
過孔氏那得成



胡伯始

太傅胡廣周流四公三十餘年歷仕六帝禮任極優練達故事明解朝章雖無蹇蹇直言之風屢有補闕之益故京師諺曰

萬事不理問伯始天下中庸有胡公廣字伯始

避驄

後漢書曰桓典字公雅靈帝時為侍御史是時官官秉政典執正無所回避常乘驄馬京師畏憚為之

語曰

行行且止避驄馬御史

考城諺

後漢書曰仇覽字季智一名香陳留考城人為蒲亭長初到亭有陳元之母詣覽告元不孝覽以善言勸慰之母聞感悔涕泣而去覽乃親到元家與其母子飲因為陳人儉孝行譬以禍福元卒成孝子鄉邑為之諺曰

父母何在在我庭化我鴉梟哺所生

朱伯厚

後漢書曰朱震字伯厚為州從事奏濟陰太守賊罪之數諺曰

車如鷄栖馬如狗疾如風朱伯厚

太常妻

應劭漢官曰北海周澤為太常恒齋其妻怜其年老疲病窺內問之澤大怒以為干齋掾吏扣



頭爭之不聽遂收送詔獄并  
自効論者非其激發諺曰

居世一作不諧為太常妻一歲三百六十日三百五十九

日齋一日不齋醉如泥既作事復低迷

縫掖自此至作奏語竝見太平御覽其中有世  
代不詳者御覽雜置漢人中俟再考訂

續漢書曰皇甫規安定鄉人有以貨買鴈門太  
守者亦還家書刺謁規規臥不迎有頃曰三符  
在門規驚遽而起徒復  
出迎時人為之語曰

徒見二千石不如一縫掖

荀氏八龍

續漢書曰荀爽字慈明幼而好學就思經  
書慶弔不行徵命不應穎川為之語曰

荀氏八龍慈明無雙

公沙六龍

袁山松後漢書曰公沙  
穆有六子時人號曰

公沙六龍天下無雙

帳下壯士

江表傳曰典韋容貌魁傑名冠三軍其  
所持手戟長幾一尋軍中為之語曰

帳下壯士有典君手把雙戟八十斤

郭君

江表傳曰郭典字君業為鉅鹿太守與中郎將  
董卓攻黃巾賊張寶於典陽典作圍塹卓不肯



典獨於西當賊之衝晝夜進攻寶  
由是城守不敢出時人為之語曰

郭君圍塹董將不許幾令狐狸化為豺虎賴我郭君不畏  
強御轉機之間敵為窮友猗猗惠君實完疆土

### 柳伯騫

江表傳曰柳琮字伯騫所拔進皆  
為時所稱致位牧守鄉里為諺曰

得黃金一笥不如為柳伯騫所識

### 繆文雅

皇甫謐達士傳曰繆斐字文雅代修儒學繼踵  
六博士以經行修明學士稱之故詩人為之語

### 素車白馬繆文雅

### 許偉君

陳留風俗傳曰許晏字偉君授魯詩於瑯  
琊王改學曰許氏章句列在儒林故諺曰

### 殿上成群許偉君

### 王君公

語林曰王君公遭亂不去  
僧牛自隱時人為之語曰

### 避世墻東王君公

高士傳曰君公明易為郎  
不用免歸詐在僧牛口無一貫也

### 時人語

曹操別傳曰呂布驍勇且  
有駿馬時人為之語曰



入中有呂布馬中有赤兔

相里諺

文士傳曰留侯七世孫張讚字子卿初居吳縣相里時人諺曰

相里張多賢良積善應子孫昌

袁文開

英雄記曰袁紹父成字文開貴盛自梁冀以下皆與交言無不從京師諺曰

事不諧詣文開

五門

三輔決錄曰五門子孫凡民之五門今在河南所四十里澗穀三水之交傳聞馬氏兄弟五

人共居此地作五門客舍因以為名主養豬賣豚故民為之語曰

死中三公館下二卿五門嚶嚶但聞豚聲

賈偉節

三輔決錄曰賈彪兄弟三人並有高名彪最優故天下稱曰

賈氏三虎位節最怒

作奏

邯鄲氏笑林曰桓帝時有人辟公府掾者倩人作奏記文人不能為作因語曰梁國葛龔者先善為記文自可為用不煩更作遂從人言寫記文不去龔名性府公大驚不答而罷歸故時人



作奏雖工宜去葛龔

李鱗甲

江表傳曰諸葛亮表都尉李嚴嚴少為郡職  
文用性深尅苟利其身鄉里為嚴諺曰

難可狎李鱗甲

諸葛諺

晉漢春秋曰諸葛亮卒楊儀整  
軍而出宣土不逼百姓諺曰

死諸葛走生仲達

漢詩紀卷之九

漢詩紀卷之十

北海馮惟訥編

無名氏

古詩十九首

鍾嶸詩品曰古詩體源出於國風陸機所擬十四  
首文溫以麗意悲而遠驚心動魄可謂幾乎一字  
千金其去者日以踈四十五首雖多哀怨頗為  
總雜舊疑是建安七曹王所製客從遠方來橋袖  
垂華實亦為驚絕矣人代  
冥滅而清音獨遠悲夫

行行重行行與君生別離相去萬餘里各在天一涯道路  
阻且長會面安可知一作胡馬依北風越鳥巢南枝相去



日已遠衣帶日已緩浮雲蔽白日遊子不顧返思君令人  
老歲月忽已晚棄捐勿復道努力加餐飯

一 玉臺新詠  
一作枚乘

青青河畔草鬱鬱園中柳盈盈樓上女皎皎當窓牖娥  
紅粉粧纖纖出素手昔爲倡家女今爲蕩子婦蕩子行不  
歸空牀難獨守

三

青青陵上柏磊磊澗中石人生天地間忽如遠行客斗酒  
相娛樂聊厚不爲薄驅車策駑馬遊戲宛與洛洛中何鬱

鬱冠帶自相索長衢羅交巷王侯多第宅兩宮遙相望  
闕百餘尺極宴娛心意戚戚何所迫

四

今日良宴會歡樂難具陳彈箏奮逸響新聲妙入神令德  
唱高言識曲聽其真齊心同所願含意俱奉伸人生寄一  
世奄忽若颺塵何不策高足先據要路津無爲守窮賤軼  
軻長苦辛

五 玉臺作  
枚乘

西北有高樓上與浮雲齊交疏結綺窓阿閣三重塔上有



絃歌聲音響一何悲誰能為此曲無乃杞梁妻清商隨風  
發中曲正徘徊一彈再三歎慷慨有餘哀不惜歌者苦但  
傷知音稀願為雙鳴鶴善作鳴鶴奮翅起高飛

六 玉臺作枚乘

涉江采芙蓉蘭澤多芳草采之欲遺誰所思在遠道還顧  
望舊鄉長路漫浩浩同心而離居憂傷以終老

七

明月皎夜光促織鳴東壁玉衡指孟冬補註云當作秋衆星何歷歷  
白露沾我衣野草時節勿復易秋蟬鳴樹間玄鳥逝安適昔

我同門友高舉振六翮不念攜手好棄我如遺跡南箕北  
有斗牽牛不負輓良無磐石固虛名復何益

八 樂府載此。文心雕龍曰孤竹一篇傅毅之辭

冉冉孤生竹結根泰山阿與君為新婚兔絲附女蘿兔絲  
生有時夫婦會有宜千里遠結婚悠悠隔山陂思君令人  
老軒車來何遲傷彼蕙蘭花含英揚光輝過時而不來將  
隨秋草萎君亮執高節賤妾亦何為

九 上臺作枚乘

庭中有奇樹綠葉發華滋攀條折其榮將以遺所思馨香



盈懷袖路遠莫致之此物何足貴但感別經時

十 王臺作  
枚乘

迢迢牽牛星皎皎河漢女織織擢素手札札弄機杼終日不成章泣涕零如雨河漢清且淺相去復幾許盈盈一水間脉脉不得語

十一

迴車駕言邁悠悠涉長道四顧何茫茫東風搖百草所遇無故物焉得不速老盛衰各有時立身苦不早人生非金石豈能長壽考奄忽隨物化榮名以為寶

十二 王臺作  
枚乘

東城高且長逶迤自相屬迴風動地起秋草萋已綠四時更變化歲暮一何速晨風懷苦心蟋蟀傷局促蕩滌放情志何為自結束燕趙多佳人美者顏如玉被服羅裳衣當戶理清曲音響一何悲絃急知柱促馳情整巾帶沉吟聊躑躅思為雙飛燕銜泥巢君屋

十三 樂府載此作驅  
車上東門行

驅車上東門遙望郭北墓白楊何蕭蕭松柏夾廣路下有陳死人杳杳即長暮潛寐黃泉下千載永不寤浩浩陰陽



移年命如朝露人生忽如寄壽無金石固萬歲更相送賢  
聖莫能度服食求神仙多爲藥所誤不如飲美酒被服紬  
與素

十四

去者日以五臣踈來者日以親出郭門直視但見丘與墳  
古墓犁爲田松柏摧爲薪白楊多悲風蕭蕭愁殺人思還  
故里間欲歸道無因

十五

年不滿百常懷千歲憂晝息短苦夜長何不秉燭遊爲

富及時何能待來茲愚者愛惜費但爲後世嗤仙人王子  
喬難可與等期

十六

凜凜歲云暮螻蛄夕鳴悲涼風率已厲遊子寒無衣錦衾  
遺洛浦同袍與我違獨宿累長夜夢想見容輝良人惟古  
歡枉駕惠前綏願得常巧笑携手同車歸旣來不須更又  
不處重闈亮無晨風翼焉能凌風飛眇眇以適意引領遙  
相睇徙倚懷感傷垂涕沾雙扉

十七



孟冬寒氣至北風何慘慄愁多知夜長仰觀衆星列三五  
明月滿四五蟾兔缺客從遠方來遺我一書札上言長相  
思下言久離別置書懷袖中三歲字不滅一心抱區區懼  
君不識察

十八

客從遠方來遺我一端綺相去萬餘里故人心尚爾文彩  
雙鴛鴦裁爲合歡被著以長相思緣掌呂反以結不解以膠  
投漆中誰能別離此

十九

五臺作  
枚乘

明月何皎皎照我羅牀幃憂愁不能寐攬衣起徘徊  
雖云樂不如早旋歸出戶獨徬徨愁思當告誰引領還入  
房淚下沾裳衣

古詩五首

上山採靡蕪下山逢故夫長跪問故夫新人復何如新人

雖言

藝文  
作云

好未若故人姝顏色類相似

藝文不其  
色似相類

毛末不

相如新人從門入故人從閣去

叶丘  
於切

新人工織縑故人工

織素

叶孫  
祖切

織縑日一匹織素五丈

一作  
尺

餘將縑來比素

云持縑  
將比素新人不如故



二

四坐且莫諠願聽歌一言請說銅爐器崔嵬象南山上枝  
似松栢下根據銅盤雕文各異類離婁自相聯誰能為此  
器公輸與魯班朱火然其中青煙颺其間從風入君懷四  
坐莫不歡香風難久居空令蕙草殘

三

悲與親友別氣結不能言贈子以自愛道遠會見難人主  
無幾時顛沛在其間念子棄我去新心有所歡結志青雲  
上何時復來還

四

穆穆清風至吹我羅衣裾青袍似春草衣條隨風舒朝登  
津梁山褰裳望所思安得抱柱信皎日以爲期

五

五臺作  
枚乘

蘭若生春陽涉冬猶盛滋望言追尋日愛情款感四時美人  
在雲端天路隔無期夜光照玄陰長嘆念玉臺  
作戀所思誰謂  
我無憂積念發狂癡

古詩三首

橘柚垂華實乃在深山側開世

好我甘竊獨自彫飾委身



玉盤中歷年真見食芳菲不知  
知因君為羽翼

二 亦見梁鼓角橫吹  
奏之首增四句名

詩也

十五從軍征八十始得歸道

是君家松柏冢累累免從伯

穀井上生旅葵烹穀持作飯

知點阿誰出門東向望淚落

親投青黃熟政色人僕欲我

辭 吳兢曰此詩晉宋入樂  
紫騮馬十五從軍征以下首

三

逢鄉里人家中有阿誰遙望

賢人雖從梁上飛中庭生旅

葵葵持作羹羹飯一時熟不

沾我衣

三

新植蘭蕙范雜用杜衡草終朝采其華日暮不盈抱采之  
欲遺誰所思在遠道馨香易銷歇繁華會枯槁嘿嘿何所  
言臨風送懷抱

古詩一首

步出城東門遙望江南路前日風雪中故人從此去我欲  
渡河水河水深無梁願為雙黃鵠高飛還故鄉

古詩一首

行行隨道經歷山陂馬啖柏葉又啖柏脂不可長飽聊可  
過饑



擬蘇李詩十首

李陵錄別詩八首

有鳥西南飛，熠熠似蒼鷹。朝發天北隅，暮聞日南陵。欲寄一言去，一作辭託之戩綵繒。因風附輕翼，以遺心蘊蒸。鳥辭路悠長，羽翼不能勝。意欲從鳥逝，駑馬不可乘。

二

爍爍三斗列，拳拳月初生。寒涼應節至，蟋蟀夜悲鳴。晨風動喬木，枝葉日夜零。遊子慕思歸，塞耳不能聽。遠望正蕭條，百里無人聲。豺狼鳴後園，虎豹步前庭。遠處天一隅，苦

困獨零。丁親人隨風散，歷歷如流星。三萍離不結，思心獨屏營。願得萱草枝，以解饑渴情。

三

寂寂君子坐，奕奕合衆芳。溫聲何穆穆，因風動馨香。清言振東序，良吁若西庠。乃命絲竹音，列席無言向。唱悲意何慷慨，清歌正激揚。長哀發華屋，四坐莫不傷。

四

晨風鳴北林，熠熠一作熠東南飛。願言所相思，日暮不垂帷。明月照高樓，想見餘光輝。玄鳥夜過庭，髮鬢能復飛。寒



路踟躕彷徨不能歸浮雲日千里安知我心悲思得瓊樹  
枝以解長渴饑

五

陟彼南山隅送子洪水陽爾行西南游我獨東北翔猿馬  
顧悲鳴五步一徬徨雙鳧相背飛相遠日已長遠望雲中  
路想見來圭璋萬里遙相思何益心獨傷隨時愛景曜願  
言莫相忘

六

鍾子歌南音仲尼嘆歸與戎馬悲邊鳴遊子戀故廬陽而

歸飛雲蛟龍樂潛居人生一世間貴與願同俱身無四凶  
罪何為天一隅與其苦筋力必欲榮薄軀不如及清時策  
名於天衢

七

鳳凰鳴高岡有翼不好飛安知鳳凰德貴其來身稀

八 升菴詩話云見  
修文殿御覽

紅塵蔽天地白日何冥冥微陰盛殺氣淒風從此興招搖  
西北指天漢東南傾嗟爾穹廬子獨行如履冰短褐中無  
緒帶斷續以繩瀉水直瓶中焉辨淄與澠巢父不洗耳後



世有何稱

蘇武答詩二首

童童孤生柳寄根河水泥連翩遊客子于冬服涼衣去家  
千里餘一身常渴饑寒夜立清庭仰瞻天漢湄寒風吹我  
骨嚴霜切我肌憂心常慘戚晨風為我悲遙光游何遠行  
願文荷一作何遲仰視雲間星忽若割長帷低頭還自憐盛  
年行已衰依依戀明世愴愴難又懷

二 古文苑題  
曰別李陵

雙鳧俱北飛一鳧獨南翔子當歸新館我當歸故鄉一別

如秦胡會見何詎央  
力言笑莫相忘

俗恨切中懷不覺淚沾裳願子長

茅山父老歌

外編作大  
不君誤

茅居內傳曰茅盈咸陽人也得道隱句曲邦人  
因改句曲為茅君之山時盈二弟俱貴喪為五  
言大夫西川太守固為執金吾各棄官渡江求  
凡於東山後咸得仙道太上命因治丹陽句曲  
山衷治常之山盈為司命真君東嶽上卿於  
是盈與二弟別俱去固衷留治此山漢平帝  
元壽二年內法既融外教坦平爾乃風雨以  
時五禾成疾瘼不起暴害不行父老誥曰

茅山連金陵江湖據

漳三神乘白鶴各在一作山頭

佳雨灌畦稻陸田亦

又周妻子保堂室使我無百憂白鶴



翔青天一作金穴何時復遊

古詩二首

採葵莫傷根傷根葵生結交莫羞貧羞貧友不成

二

甘瓜抱苦蒂美棗生棘利傍有倚刀貪人還自賊

古絕句四首

橐砧今何在山上復何山何當大刀頭破鏡飛上天

二

日暮秋雲陰江水清江深何用通音信蓮花玳瑁簪

三

菟絲從長風根莖無斷絕無情尚不離有情安可別

四

南山一樹桂上有雙鴛鴦千年長交頸歡慶不相忘

古歌

高田種小麥終久不成穗男兒在他鄉焉得不憔悴

古樂府

蘭草自然香生於大道傍腰鎌八九月俱在東薪中

古五雜組詩



五雜組岡頭草往復還車馬道不獲已人將老

古兩頭織織詩

兩頭織織月初生半白半黑眼中睛  
膈膈膊膊雞初鳴磊磊落落向曙星

同前 見歷代詩話

兩頭織織毒玉玦半白半黑頭上髮  
膈膈膊膊春冰裂磊磊落落桃初結

漢詩紀卷之十



聖